
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.
Advertentie limrah: f 0,15 sagaris;
(apes: f 1,25).
Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.
Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
sampoen kalijan regining Soera Katholiek
1 taoen f 7,50 } njoewoen kabajar
1/2 f 3,75 } roemijin.
Adresipoen Redactie lan Administratie
IGNATIUS-COLLEGE
DJOKJAKARTA.

Drukkerij „Canisius” Djokja.

ISINIPOEN.
Lid Raad-Kaboepatèn — Épahaning
berah — Wanita lan politik — Ba-
baran — Katoer mevr. C. Wastitilah
lan sadèrèk . . . — K. W. Moentilan
— K. W. Semarang — P. P. K. D.
Semarang — K. W. Blitar — K. W.
Soerakarta — K. W. Medari — Soerja
ndadari — Senindjonggodog — Ontjèn
sekar gambir melati — Oerap-sari —
Kabar Katholiek — Keboemèn —
Gabroe-Wlingi — Correspondentie.

PRADJA RAHAJOE.

LID RAAD-KABOEPATÈN.

Sw. Tm. tampi kabar kados ing
ngandap poenika;
Nalika tg. 4 Sept. ing kiesdistrict
Banjoemas kawontenaken pilihan
kanggé Raad - Kaboepatèn. Saking
djago-djago, ingkang dipoen pilih
namoeng kalih i.p.
1. R. Hardjamidjaja, griffier
Landraad.
2. P. S. Atmasoedarma.
Kalih-kalhipoen kapilih wonten
ing lezing kapisanan.
Njarengi dinten poenika ing kies-
district Poerwakerta oegi kawonten-
naken pilihan lan sad. Soenardi oeg
kapatjak wonten ing daftar can-
didat-candidat. Engga sapriki dè-
rèng mireng kabar poenapa sad.
Soenardi saged kapilih oetawi
boten.
Raad-Kaboepatèn.
Nalika dinten Rebo 4-9-'29. sam-
poen kawontenaken pilihan kanggé
warga Raad-Kaboepatèn Magelang.
Saking Moentilan ingkang kapilih:
1e. Ingkang Wedana ing Moen-
tilan.
2e. Sad. Soerasoekarta, Gep. Man-
tri goeroe Setjang.
3e. Sad. Soekena, Schatter pand-
huis Blabag.
Saking Salam ingkang kapilih:
1e. Wedana Salam.
2e. Assistent - Wedana Sroem-
boeng.
Saking Mertajoedan:
1e. Assistent - Wedana Mertajoe-
dan.

ÉPAHANING BERAH.
Nalika koela ngrembag bab „nja-
ékaken kebatosan,” koela anggepok
bab „éphan.” Wondéné éphaning
tjangan berah poenika manoe kawroeh
ékonomi warni-warni:
1^o. éphan kaétang manoe wek-
dal (tjara Wlandi: tjdloon), inggih
poenika kapétang manoe djam-djam-
an, padintenan, minggon lsp. Poenika
wonten awonipoen, djalaran tjang-
ipoen berah kerep boten sregep.
2^o. éphan kaétang manoe tjtahih-
poen ingkang dipoen-garap (tjara
Wlandi: stukloon) kadosta ing pabrik
sroetoe oetawi sigaret. Saben angsal
satoes, éphanipoen samanten. Poeni-
ka ndjalari mepeng, nanging awoni-
poen, déné saking kasesanipoen, ing-
kang dipoen-garap ladjeng awon.
Mila preloe dipoen wonteni pepriksan
lan dendan. Wondéné ingkang kados
makaten poenika moeroegaken pa-
benanipoen ingkang berah kalijan
ingkang mberahaken. Kadjawi poe-
nika selot-selotipoen ingkang berah
ladjeng bobrok margi kasangka ing
panjamboet damelipoen.
3^o. éphan goemantoeng saking
pepadjenganing barang (tjara Inggris:
sliding-scale). Poenika kalampah ing
sawenéhing pelikan areng sèla ing
tanah Inggris. Awonipoen inggih
poenika déné jèn ingkang mberahaken
toeni, ingkang berah toemoet tani.
4^o. gandjaran a. margi poen berah
mepeng, angsal - angsalanipoen
njamboet-damel langkoeng saking-
mastinipoen. b. margi njoda barang
ingkang dipoenanggé, kadosta: jèn-
masinis namoeng sakedik pangangge-
nipoen kadjeng oetawi areng sèla.
(tjara Wlandi: premiestelsel).
5^o. ingkang berah angsal bagéan
batèning pabrik (tjara Wlandi: par-
ticipatiestelsel). Pabrikipoen toewan
Stork ing Hengelo (Wlandi) nge-
tjakaken stukloon (2^o) kalijan 5^o
poenika. Toemindakipoen saé. Ing-

RETRAITE.
In de maand September zal van Maandagavond
den 23^{sten} tot Donderdagavond den 26^{sten} in het Xa-
verius-College te Moentilan eene retraite gegeven
worden
VOOR NEDERLANDSCH - SPREKENDE JAVANEN.
Vergoeding voor verblijfkosten f 5.—
Zich aan te melden aan het Xaverius-College
te Moentilan.
De Rector.

kang berah mindak bajaranipoen, toe-
wan pabrik saged saja katah ang-
gènipoen damel masin-masin, katah
batinipoen, djalaran ingkang berah
mepeng anggènipoen njamboet-da-
mel.
Éphan poenika manoe tjara poe-
napa kémawon kedah ngoegemi leres
(adil). Dados éphan (blandja) kedah
kaétang 1^o. manoe kalimpadanipoen
ingkang berah, 2^o. manoe pasinaon
ing sadèrèngipoen (mila dokter, ad-
vocaat lsp. poenika bajaranipoen katah
djalaran lami sinaonipoen toer nge-
dalaken wragad katah. Bajaranipoen
ngoengkoeli tjarik doesoen lsp), 3^o.
manoe agenging tetanggalan, 4^o.
margi padamelanipoen njoemelang.
Éphan waoe kedah tjekap, ngan-
tos kènging kanggé ngwonteni san-
dang teda tjang sabrajat, ngantos
wontena ingkang kènging dipoentjè-
lèngi kanggé jèn sakit lan sepoeh.
Sarèhné berah poenika déné masin,
dados Ngahad kedah ngaso, éphan-
ipoen taksiha kènging kateda ing
dinten Ngahad.
Sadaja poenika taksih téori. Ing
tanah Djawi ngriki éphaning berah
katah ingkang dèrèng ngoegemi adil.
Sinten ingkang saged tetoeloeng ing
prakawis poenika, dadosipoen oeroen-
oeroen ngadjengaken tanah Djawi.
poen P. D.

LARASATI

WANITA LAN POLITIEK.

Panglamar dateng vrouwen kies-
recht poenika mantjoengolipoen sa-
king pergerakan wanita kabekta sa-
king anggènipoen tjang èstri katah
ing djam samangké ing salebeting
grija sami boten narimah (omdat
een groot aantal vrouwen het tegen-
woordige gezin niet meer kon be-
vredigen). Pramila tw. waoe jakin,
bilih gesangir rajat kados ingkang
sami kita alami poenika boten kènging
boten badé gondjing. Pranjata tjang
ingkang poeroen anggagapi, badé
ngamini panampining kaemoeman,
bilih vrouwen kiesrecht ngemoe raos
badé ambibrah tjang bebrajatan dja-
ler satoenggal lan wanita satoeng-
gal lan wanita satoenggal (eenheids-
idee van het huwelijk).
2. Manawi vrouwen kiesrecht sam-
poen èstoe oemoem, tjang èstri la-
djeng badé katark loemebet ing ma-
dyaning ramé. Kawoesananipoen ti-
jang èstri badé bibrah manah we-
watekanipoen, temahan temboeng
plajan, djagad édan badé woedjoed
saèstoe. Mila pepoentoning rembag
sanadjan boten tjengkah lan woel-
angling pangandel (een dogma van
ons geloof) lan boten njoelajani
pepoetoesan Pasamoean Soetji (een
disciplinaire uitspraak van het kerke-
lijk gezag) bebajaning vrovwen kies-
recht satoehoe ageng lan ngèntaka-
ken para koemedah - kedah badé
nggajoe vrouwen kiesrecht, poena-
pa kapitoenanipoen boten langkoeng
ageng tinimbang bebati saking vrou-
wen kiesrecht.
Sebab-sebab poenika kados sam-
poen njekapi kanggé angendali ka-
dang katoelik ingkang saking ma-
djengipoen dateng ka-poliekan sami
karaja-raja mboedjeng vrouwen

kiesrecht. Wangsoel poma sampoen
njoengoelaken djalaran sakatahing
djalaran, ingkang manawi saged ang-
gènipoen nemoengaken memèngini,
nanging sadjatosipoen andrawasi sa-
rana metik saking kitab soetji oetawi
ngendikanipoen St. Paulus ingkang
mitedahaken bilih tjang èstri won-
ten ing Pasamoean soetji boten ké-
nging njepeng kadradjadan. Malah
wonten ingkang kamipoeroen njo-
ngoelaken bilih vrouwen kiesrecht
tjengkah lan anggering kodrat, margi
anggènipoen tjang èstri manoe ko-
dratipoen tinoeding dados bijoeng,
boten, awit wadjabing bijoeng saged
sareng linampahan lan pakarjan po-
litiek. Mila vrouwen kiesrecht boten
tjengkah lan anggering kodrat. Wa-
djibing tjang èstri mbangoen mi-
toeroet dateng ingkang djaler, oegi
asring kanggé njebabaken tjang èstri
tinitah boten kènging kangnéan
kiesrecht. Poenika oegi mlèntjèng,
awit mbangoen toeroet menggahing
barang, ingkang magepokan kalijan
tjang sesémahan boten babar pisan
mokalaken, bilih ing babagan sanès
tjang èstri inggih kedah mbangoen
toeroet lan sapanoenggilanipoen.
Pepoentoning rembag: kita ngakeni
lan ngoegemi, bilih vrouwen kies-
recht katah lan ageng sambèkalani-
poen, nanging kosok-wangsoelipoen:
tjang katoelik manawi wonten se-
bab ingkang mapan lan maton ké-
nging najogjani vrouwen kiesrech-
t, djer kita jakin, bilih vrouwen kies-
recht boten soelaja kalijan woelang-
ing pangandel toewin anggering
kodrat (natuurwet).
A. Swasti Astoetilah.

BABARAN.

Sasoemerep koela ratjakipoen
manawi wonten babaran tangga te-
pali pitepangan saha sadèrèk - sa-
dèrèk kakoeng poetri ladjeng sami
amerlokaken rawoeh anglairaken
genging kabingahan, makaten poe-
nika sampoen dados tjara. Malah
manawi boten klèntoe sampoen wi-
wit kina toer mèh sadaja panggé-
nan, tjara makaten poenika saé sa-
ngét, sinten ingkang amastani awon,
djer ingkang sami rawoeh waoe
andèrèk bingah.
Kados oengeling tetemboengan:
sadaja - sadaja poenika asring won-
ten saé lan awonipoen (kadjawi
manawi bab kasoetjan temtoe na-
moeng saé) pramila ing ngriki ka-
parenga matoer manawi oegi won-
ten bab ingkang kirang matoek da-
teng kasasaran, inggih poenika ma-
nawi rawoehipoen para tamoe waoe
andadosaken karépotanipoen ing-
kang nembé mbabar, (namoeng
saloegoenipoen répot poenika goe-
mantoeng ingkang nglampahi.) Kang-
gé bangsa koela tjang Djawi kados-
kados boten badé manawi kara-
woehan tamoe katah ladjeng na-
moeng dipoentampi sasekètanipoen,
temtonipoen ingkang kagoengan da-
lem inggih ladjeng angroepèkaken
sasaged-saged. Sawenèhing sadèrèk
prakawis ngroepèk - ngroepèkaken
waoe asring sampoen (oewis) ka-
djagi ing sadèrèngipoen baji lair.
Amangsoeli prakawis répot, ka-
dos ingkang koela atoeraken répot
goemantoeng ingkang nglampahi,

dados jèn makaten pakèwed anggèn
koela badé matoer amargi répot
poenika kènging kapérang dados
kalih inggih poenika: karépotaning
manah (poenapa ribeding manah)
oetawi karépotaning baos soekoe.
Para sadèrèk temtoe boten sami
kekilapan bilih ingkang mbabar
waoe betah (boetoe) sanget baos
soekoe (kadosta: abdi² oetawi rén-
tjang) amargi pijambakipoen kedah
ngaso ingkang tentrem (volle rust).
Sapoenika tjabi koela tjandrani-
poen bab ingkang kirang matoek
waoe: Para tamoe ingkang sami
rawoeh ratjakipoen ing wantji daloe
amargi poenika wantjinipoen tjang
boten njamboet damel, ing ngrikoe
katingal anggènipoen merlokaken
rawoeh margi andèrèk bingah. Doe-
moengining grijanipoen ingkang mba-
bar ladjeng sami lenggahan oetawi
kasoean, inggih saé, soemangga.
Anamoeng kados-poendi kirang ma-
toekipoen kalijan kasasaraning ba-
dan, badanipoen sinten? poenapa
para tamoe, (koela boten saged
matoer). Ingkang koela toedjoe ka-
sasaraning prijanipoen poetri - ingkang
nembé mbabar lan sapoetranipoen
pisan, ingkang saweg kedah nga-
sokaken salira waoe, mangka ra-
woehipoen para tamoe waoe ratjak-
ipoen noenggil dinten kalijan lairing
baji, oetawi let kalih dinten tiga . .
doemoegi sapoetipoen,
inggih ing dinten poenika waoe
wantjinipoen kanggé ngaso ingkang
nembé kagoengan poetra. Sarèhné
sadaja para tamoe waoe andèrèk
bingah lan warni-warni anggènipoen
anglairaken kabingahan dados poe-
nika inggih saged andjalari boten
saged ngasokaken badan ingkang
klajan èstoe.
Menggah sajektosipoen ngelèki
baji lair poenika mitoeroet goegon
toehon Djawi angreksa baji sam-
poen ngantos kateda ing sadèrèk-
ipoen ingkang asipat sato galak
ingkang dipoenwastani tjèlèng goe-
maloeing oetawi sapi goemarang,
pramila sadèrèngipoen baji waoe
poepak poeser tilempoen tansah
dipoenpangkoe gegentosan déning
para sepoeh ingkang sami ngelèki
(limrahipoen bangsa sepoeh èstri).
Bab poenika gandèng kalijan sa-
djèn-sadjèn kadosta: gandik dipoen-
lòrèng angoes lan apoe, dilah moe-
roep kasandingaken ingkang gadah
laré lan s.p.n.
Namoeng toemrapping djamana-
mangké kènging kawastanan sampo-
en itjal babar pisan, ngemoengaken
ing sawenèhing Doesoen kémawon
ingkang taksih nindakaken goegon
toehon makaten waoe. Déné toe-
mrapping kita - kita anggènipoen sa-
mi ngelèki baji lair waoe ladjeng
santoe salaga, inggih poenika la-
djeng sami asoeke - soeka main lan
sapitoeroetipoen, ingkang saged
ngisakaken dateng kasasaraning
bijoeng dalah djabang bajinipoen
ingkang nembé lair waoe. (Namoeng
manawi sadèrèk Katholiek temtoni-
poen boten, amargi sami boten ne-
ngenaken dateng prakawis waoe:
main).
Sadèrèk koela wanita! koela sa-
daja ingkang ngrasaken manawi
embèn wingking ladjeng wonten
rèwèlipoen margi kirang ngaso
soemangga kagalih! Antjasing ma-
nah boten pisan - pisan ladjeng
anjinghiri tamoe, dados amboetjal
padatan ingkang saé. O, boten, awit
ingkang dipoenpadosi inggih ing-
kang saé, namoeng kedah agegan-
dèngan kalijan bab kasasaran. Ma-
nawi kadosdéné Moentilan ing
sapoenika saking pamawas koela
kok saé, awit ratjakipoen ladjeng
mbabar wonten Hospitaal; dados
sanadjan katah ingkang toewi na-
moeng inggih saged ngaso, margi
ing Hospitaal sampoen tamtoe di-
poenatoer manoe wedal (alles op
zijn tijd). Sakondoeipoen saking
H.p. sampoen rentjang; manawi
badé bingah-bingah inggih sampo-
en boten koetjiwa.
Dados sampoen saged ngasta
dados directrice malih.
(directrice rajat balé grija)
R. Soegjarti.

KATOER MEVR. C. WASTITI-
LAH LAN SAD. T.R.
SW.-TM. No. 29.
Sadèrèk Wastitilah, koela inggih
sampoen maos goebahan pandjene-
ngan. Sadèrèk moendoet priksa te-
gesipoen pilah toemrap prija lan
wanita. Sanadjan pamanggihipoen
prija lan prija oetawi wanita lan
wanita béda-béda boten sami, na-
nging temtoe bangsa kalih waoe
boten saged gagasanipoen plek;
awit prija lan wanita poenika sanès
golongan. Golongan kalih waoe
temtoe boten saged saéka - tjipta
lahir-batos. Amargi golongan wanita
gaduh kabangsan pijambak lan prija
samanten oegi. Dados pamanggi-
hipoen prija lan wanita temtoe ké-
nging kabédakaken, margi saged
pilah waoe. Golongan kalih kedah
wonten garisipoen sarana kanggé
mbédakaken pamanggihipoen jèn ing tem-
boeng Walandi makaten:
„Er moet een lijn getrokken
worden tusschen de opinie van
mannen en die van vrouwen.”
Sanèsipoen pilah toemrap prija
lan wanita ing bab opinie, inggih
taksih wonten malih toemrap ing
roepi ingkang boten kènging di-
poenpalsoe; inggih poenika, sana-
djan prija manganggé tjara tjang
èstri toewin wanita tjara tjang djaler,
éwasamanten temtoe ketawis. Ing-
kang kados makaten waoe sampo-
en kinodrat ing Goesti Allah.
Poenapa sampo-
en maren sadèrèk
wangsoelan koela ing nggiling poe-
nika? Dèrèng? Koela sagah ngadosi
kémawon. Wanita Indonesia djamana
sapoenika boten badé moendoer lan
boten badé adrih dateng pitakéna-
n-pitakéna lan critiekan l.s.s. jèn
dèrèng kadoemoegèn sedyanipoen
ingkang minoelja.
Sadjakipoen Mevr. C. Wastitilah
kirang nggatosaken dateng ketoe-
djoeanipoen wanita Indonesia. Mo-
kal lan boten badé poetri Indonesia
djamana samangké ngemohi actie
ingkang minoelja lan oetami toemrap
ndjoendjoeng kadladjadaning wanita.
Sadèrèk koela atoeri kerep maos
orgaan „Istri” lan „Sri” kalih waoe
gandèng dados satoenggal.
Sadjaké Mevr. C. Wastitilah kaja
isih kolot banget. Soekoer ta jèn
pandjenengan saged nglampahi,
mandar ageng gandjarané. Soekoer
ta jèn pandjenengan poenapa - poe-
napa narimah, poenapa - poenapa
pandjenengan ledjar, lan mandar
mindak bektinipoen. Lha poenika
poetri sedjati. Samanten poenika
jèn temtoe leres pitedah toewin
pangrengkoehipoen garwa pandje-
nengan, poenika nama émah - émah
ingkang kelerasan, jèn boten kale-
resan Oooo malah kosok-
balèn. Boten kirang tjang djaler
ingkang tjoegetan atèn, boten kirang
tjang djaler ingkang tjoeget boedi-
nipoen, boten kirang tjang djaler
ingkang kekendeliranipoen sakmenir,
boten kirang tjang djaler ingkang
kirang nalaripoen, boten kirang
tjang djaler ingkang boten tahanan
l.s.s.
Dados pangandika pandjenengan
bangsa wanita poenika ratjakipoen
bab panglimbang boten saged pan-
djang . . . enz. poenika lepat babar
pisan. Awit wataking manoesama poe-
nika djaler èstria sami kémawon.
Boten kirang tjang djaler ingkang
tjoegetan atèn saweg pinoedjoe
neda oepaminipoen, kelanipoen ki-
rang kalerasan raosipoen, sekoel
satjeting dipoentoemplak, kelan di-
poensoentak, piring dipoen-gepok
ladjeng késah lsp. Dados oepa-
mi garwa pandjenengan kados
makaten inggih pandjenengan ledjar
lan malah mindak bektinipoen???
O sadèrèk, tjang poenika jèn
kesangetan anggènipoen ngasoraken
badanipoen pijambak, poenika la-
djeng boten kadjèn. Pangilon boten
kirang. Dados mèmper sanget jèn
pandjenengan poenika koela wastani
tjang kolot. Poenapa boten émoet
tetemboenganipoen tjang kolot?
„Wong wadon koedoe bekti ing
laki, wong wadon koedoe nriman,
koedoe sabar, koedoe andap-asor

poen njamboeti pirantos ing satjekapipoen. 5e. datang Soesila Beksa ing Kadisaba lan Beksa Wiwara-Tama ing Medari. 6e. datang soos dalah warganipoen H.H. ing Medari 7e. datang Vervolgschool ing Toeri lan datang Schakelschool ing Sléman. 8e. datang Pentjak club ing Sléman. 9e. langkoeng-langkoeng datang Pakempalan Wajang Priaji ing Moentilan. Rawoehipoen P.W.P. ing Moentilan wonten ing Medari, sanjata dados goemoen ngoengoen-ing sadaja ingkang sami njapati. Déné semanten goejob roekoening Moentilan, ngantos boten ngétang tebih, sajah, arip, wirang-isin, toer mawi tjoetjoel banda ingkang boten sakedik. Djalaran sadaja ragad sarat, kasanggih déning bara warganipoen pijambak-pijambak. Toer wonten ing Medari prasasat boten dipoensedijani barang-barang.

Poenika lo sadèrèk Katholiek! Tradjangipoen P. W. P. ing Moentilan kénging kanggé katja benggala. Mangka P. W. P. poenika dédé pakempalan R. K. éwadéné semanten anggènipoen tjakoep, tjakep, rahab roemaketipoen datang kita R.K. Mila kita R.K. soekoer saged ngoengkoeli, apes sageda sami kalijan tradjangipoen P. W. P. Samangsa wonten gawé pari gawé ingkang wigati, kedah ingkang tjoekai trengginas, oeroen banda baow soekoe dalah rembag-rembag ing sasaged-sagedipoen. Ing woosana angsalang bebatèn nama loemajan sanget, *) sarta sampoen dipoendoom datang ingkang sampoen kaseboet ing rantjangan, mawi persènan ingkang sampoen katemtokaken ing sadèrèngipoen.

K. W. Medari **).

SOERJA 'NDADARI.

Wadoeh moeng titelè tal
Lo mangké roemijin ta sadèrèk!
Rèhné ingkang badé koela atoeraken poenika nama saweg trontong-trontong, toer taksih éndol-éndol, mila para maos sampoen goemoedjeng sadjak njeng; djer ingkang ada-ada poenika nama taksih pijek-pjek.

Wonten ing Sw. T. koela mregoki, bilih ing Djocja, Moentilan, Solo, Ambarawa enz, sampoen sami oemoeng ngrembag babagan Van Lith-Stichting. Mandar kala tanggal 15 Aug., kapengker poenika ing Moentilan nembé kawontenaken pepanggihan, ingkang toedjoe-nipoen namoeng ngrembag adjenging pakempalan Van Lith Stichting.

Éstoenipoen kita sareng mireng ada-ada makaten poenika ragi kapranan manah kita. Langkoeng-langkoeng sareng kita mangertos, jèn sak Tanah Djawi kilèn, ingkang sampoen ketinggal mentjoengoel saweg Cheribon, wa la raosing manah kital Koemahana didinjal Mangka kanggo sapa ta koewi? Ijak wis ora soesah didjèrèng maning ogé enggeus njahol.

Ambak-ambing ing Bandoeng manawi boten lepat sampoen wonten sewoelan poenika, katingal mingip-mingip, ladjeng pentjoengoel, abis boelan Agustus. Mandar kala tanggal 11 Aug. kapengker poenika, étok-étokipoen dipoendadosaken sasèstoe sarana kawontenaken pergadring, papanipoen kaparingan Rama Pastoer wonten ing paviljoen (kantor).

Kala samanten ingkang kersa rawoeh sadèrèk nembelas, woloelas kalijan ingkang kagoengan kersa.

Rèhné kala samanten wonten sadèrèk Timor sawatawis, dados kapeksa mawi temboeng Mladjeng. Djam 7 bakda Lof para sadèrèk sampoen sami ngempal wonten ing paviljoen. Djam 7 langkoeng sakedik kawiwitan. Ingkang medar sabda (wadoeh) sadèrèk Raphaël, mawi temboeng Mladjeng. Déné wosing rembag, manoe: 1e. Serat ingkang kalampiran ing Sw. T. No. 2? 4). (saking sregepé nganti lalos nomeré).

2. Ngatoeri pirsu, sapinten gending kabetahanipoen para Rama-Rama ingkang sami koela gadang-gadang sageda énggal pinaringan, woosana saged kaleksanan, mandar sampoen tiga. Kalijan malih para Siswa ing Simenarie, ingkang nama taksih wonten ing margi i. k. tjalon badé anggoemantosi 2). para Rama-Rama Walandi. Temboeng kabetahaning para Rama, ragi koela djèrèng sakedik. Inggihi poenika kabetahan toemrap seliranipoen. para Rama poenika boten pikantoe Djer bregoteng sak pèsèr-pèsèra saking Nagari. Makaten oegi para Siswa ing Simenarie béndjingipoen oegi boten badé angsal bregoteng saking Nagari. Kadjawi ingkang sampoen wonten (kagoengan) hulp oetawi hoofdacte; 3). mandar doemoegining sapoenika prakawis dahar sakanteronipoen taksih saking astanipoen sadèrèk Wlandi. Mangka para Rama

*) Sapinten? Red.
**) Béndjing malih manawi damel verslag ingkang tjekak kémawon. Red.
1). No. 24 tg. 26 Juli 1929. Red.
2). mitoeleongi. Red.
3). lan ingkang kanggep ambtenaar. Red.

Djawi, lan Siswa Simenarie poenika kagem, lan badé kagem sinten?

Tjekak wosing rembag namoeng kados makaten Rak inggihi sampoen leres ta. Rama Red? 4).

Déné para sadèrèk i. k. kersa rawoeh waoe, sami djoemoeroeng sadaja, sarta sagah minakaken 1% ning pamedal saben woelanipoen. Dalasan sadèrèk Timor gangsal, oegi kersa kempal. Kados-poendi Rama Red, rak inggihi boten namoeng ngemoengaken kita Djawi kémawon, ta, noen? Timor poenika rak oegi golongan kita pijambak? 5).

Sasampoenipoen sami akoe, ladjeng dipoenwonteni pangarsa (patet-patoetipoen). makaten oegi secretaris dalah penningmeester.

Inggang kapilih ngembani sadaja warga sadèrèk Elijas Setoe. Kebon Djoekoet.

Rèhné pakempalan nama taksih alit, Secretaris dalah penningmeester karangkep déning sadèrèk R. J. Tahrin. Pastorie.

Déné ingkang kadjibah ngembani sadèrèk Tjimahi sadèrèk Celsus Rusmin. Serg. Genie.

Déné pinanggihipoen warga, kalijan ingkang boten rawoeh wonten 27.

Wasana atas asmanipoen para Warga, njoewoen sembahjangani-poen para sadèrèk sadaja, sageda saja soeboer tanemanipoen Rama Van Lith Swargi, ingkang kaboen-tjang wonten ing Tanah Djawi Kilèn. Lan gadah pangadjeng-adjeng béndjing poenapa sak Tanah Djawi Kilèn saged kempal dados setoeng-gal.

Kirang langkoeng djam 9 pangarsa ngatoeraken gending panowoeni-poen datang ingkang sami kersa rawoeh, makaten oegi doematang padoeke Rama de Rooy, déné sampoen kersa paring panggénan. Woosana ladjeng bibaran.

Sinerat ing Bandoeng 4-9-1928. Secre. dalah pennignmeesteripoen 6).

R. J. Tahrin.
Atmasoedarma.

VARIA

DOEMOENOENGIPOEN GESANG-DJAWI ING MANGSA SAPOENIKA.

Goesti anggènipoen neboes donja boten kanti goemjah-goemjah oetawi para apoès.— Makaten oegi kita, manawi saèstoe tresna bangsa, sampoen mawi ngapoesi bangsanipoen pijambak oetawi tjang sanès, (mawi tjirjos saben taoen djiwa Indonesia pedjah kaliren 10.000!), mawi moedjèk-moedjèkaken disamber bledèg lsp.— O, boten makaten, ngèmoetana jèn badé noeloengi raga Djawi, sampoen kok ladjeng mblawoeraken „soekma” Djawi.— Sampoen makaten prijantoen! Lan pandjenengan sadèrèk koela Katoelik, sampoen kasesa ndahar atoe lalawora oetawi temboeng tékad-tékad, emboeh ing bésœk, o boten, ngèmoetana woelangan Katoelik roemijin kados-poendi. Manawi sapoenika kémawon sampoen kerep kesoepeèn ing azas Katoelik ingkang deles (salong djalaran dèrèng oetawi soengkan maos), gèk ing béndjing manawi wonten prahara kados-poendi. Oekara poengksan poenika kaparenga manggali pandjang.— Manawi ing sapoenika azas pandjenengan adjegan oetawi mèh adjegan awewaton azas boten Katoelik, gèk ing dinten wantji reribed awewaton poenapa?

Manawi para Paus oetawi para Nabi, para pangageng Katoelik anggegi sanget kanasjonalanipoen, poenapa badé wonten Missie, oetawi poenapa Kratoning Allah saged wradin sadjadag? Oepami Paoeloes ngèmoeti akoe wong Roem,— poenapa poeroen mendet piwoelangipoen tjang Jahoe di, inggihi Sang Kristoes?

Nasijonaliteit pandjenengan: katoelik! Anak kaswargan; lan sampoen goemoedjeng jèn koela matoer mekaten:

„Inggang Maha koewasa dipoen-roemijinaken” lan inggihi sampoen goemoedjeng jèn koela matoer makaten.— Menawi pandjenengan bekti ing ngèlmoe katoelik, temtoe toemoengkoel manawi mireng temboeng makaten, boten ngèsemi oetawi goemoedjeng, sanadjan ta manah pandjenengan nalika samanten anggrondjal.

„Gaat en onderwijst alle volkeren!” poenika dedasar Katoelik, dados kalimbanga roemijin. „iki toemrapé Ramakoe swarga bati apa toena?” boten kok, iki toemrap akoe bati apa toena.— Semanten poenika manawi pandjenengan sampoen saged manggali lebè; manawi dèrèng kados-poendi malih; oetawi oegi boten: iki toemrap ki adjar Alimoen-Aliman tjotjog apa ora?— o, boten makaten. Lan émoeta, sa-

4). kasinggihan! Red.
5). Mriksaana lampiran kaseboet nginggil katja 5 kolom l. no. 4. Red.
6). Inggihi ngrangkep zelateur? Red.

daja lelampahan ingkang wadag katingal poenika sanès toedjoe, balik namoeng saweg sarana.

Brama
tjjang DJAWI.

OERAP-SARI.

KABAR KATOLIK. Retraite sepisanan.

Nalika tg. 12 doemoegi 15 Aug. ing Makasar dipoenwontenaken re-traite kanggé para moerid ing K. I. S. (Kweekschool voor Inlandsche Schepelingen) tjatjhipoen 14, djawi 13, laré Menado 1. Inggang maringi retraite pandjenenganipoen pastoe G. W. Litjens, vlootaalmoezenier.

Papan ingkang kanggé retraite kamar-kamar sekolahan ing zusteran. Poenika manawi sijang, déné daloenipoen laré-laré waoe mantoek dateng pondokipoen pijambak (kazerne).

Ing wekdal poenika wonten laré Djawi 5 ingkang ladjeng kabaptis, lan éndjingipoen tampi Sakramèn Maha Soetji sapisanan sareng kalijan laré sanès. Sadaja sami keti- ngal bingah-bingah, roemaos angsal kanoengrahan ageng sanget, lan matoer noewoen datang pandjenenganipoen Rama pastoe, ingkang soemeket lan saé pangrengkoehipoen.

Bakda retraite ladjeng sarapan sesarengan wonten ing pastoean Makasar. Toemoenten plesir mawi motorbis datang Bantimoroeng ningali grodjogan (waterval). Moegi-moegi makaten poenika dadosa toeladar sanès, ladjeng ingkang dèrèng naté toersa ngitjipi retraite. Woelan poenika ing Moenlilan badé kawontenaken retraite.

Pahargjan Kg. S. Bapa Pius XI. Moentilan.

C. Ordeeka martosaken: Pepang- gihanipoen para sadèrèk goeroe Missie ing Moentilan sakoeoba-nipoen nalika: 8-9-'29 moetoès:

Ngadjak sadaja gotrah katoelik ing koekoeban Moentilan, mahargja Pandjenenganipoen K. S. Bapa, déné sampoen 50 taoen, djoemeneng Imam, ragad-ragad: dana sakadari-poen. Rantjangan:

Setoe 5. October sonten:— lof mawi oepatjara.

Ngahad éndjing: nampi Panoeng-gal Soetji sasarengan.

Djam, 9½ arak-arak déning para: Gotrah Katholik ing koekoeban Moentilan poenapa déné: siswa Normalschool, Kweekschool. P. A. M. S. toewin H. I. S. anggrebeg Gambar Dalem K. S. Bapa dalah pepetaning Oepatjara Dalem, (Makoeta-Pandjenengan-koentji laré badak-Gredja St. Pieter lsp.)

Tjoetjoeking arak-arak, siswa 3 manganggé: sandangan gredja (misdienaar) ingkang tengah mandi: Bandéra dalem K. S. Bapa. Tetindihipoen Rama Lucas, tindak ing sawingkingipoen Gambar Dalem pinasang ing gapoera rinengga-rengga, doemoenoeng ing sawingkingipoen pepetaning oepatjara dalah para siswa sami ambekta bandéra kadèrèkaken para kadang katoelik sepoeh manganggé dines atjilimoeni.

Arak? ingkang saking pastoean badé medal ing: Sléko-patjinar-kontroliran-dokteran-doemoegi ing pastoean malih poenika, binaroenging oengeling: moesik (viool), soeling, miwah kagoengan pandjenengan, gangsa, ingkang saking koemedah-kedahipoen badé andèrèk kelampah badé dipoen-gotong, sinelan ing kidoeng: Aan Uo Koning der eeuwen, tjara Djawi, déning para ingkang arak-arak sadaja; toemoenten andjog ing „pandi soeka”. Normalschool sowan P. Rector!) ingkang minangka dados soesoeli Dalem K. S. Bapa, ing rikoe: wontening panembrama: Oelah raga, sekar (2e. H.I.S.) lan sanèsipoen, toemoenten bibaran.

Djam 5½, lof: mawi oepatjara, lan rerèpè: Te Deum, toemoenten para prijantoen sepoeh kempalan malih mirengaken sesorah: bab Soegeng Dalem K. S. Bapa (rantjangan).

Senèn éndjing: Koerban Mis lan Nampi Panoenggal Soetji sasarengan kanggé laré-laré (migli), toemoenten: sarapan sasarengan (paringan Pastoean).

Mangga, para sadèrèk, sami sasarengan moeljakaken Ratoe kita Panatagama, poenapa damel pijambak, poenapa ngombjongi papan ingkang sampoen wonten „Raja iki gedèkna tenan, sing nganti bésœk 100 taoen manèh isih pada kélingan”. poenika pangandikanipoen R. P. Rector v. Baal, mangga sasarengan, béndjing kèmoetanipoen taksih kénging (saking agengipoen, dèrèng telas) kawarisakan datang anak poetoe.

Mexico.

Pandjenengan sampoen pirsu kala tanggal 22 Djoeni, wawakilipoen

1) éman, déning, manawi sampoen tindak: verlof, datang nagari Wlandi, atoe poedji basœki.

ONTJÈN SEKAR GAMBIR MELATI.

MIDDENSTANDSVEREENIGING INDONESIA.

Poendi ingkang kaéwokaken golongan tengahang?

Manoe Dr. Nouwens kalijan Mr. Alberse kaseboet ing *Katholiek Sociaal Weekblad* no. 41, 8 October 1904, katja 490, kados ing ngandap poenika:

- a. *Kaom tani*. (landbouwersstand).
- b. *Kaom dagang*. (handeldrijvende middenstand).
- a. Pakarjan tanga: oendagi, toekang batoe, toekang timbel lss.
- b. Pabrik alit-alitan: (klein industrie). Dados, golongan toewan pabrik alit ingkang panjamboetdamelipoen mawi montor; kalebet oegi toekang damel roti, lss. Tjekak golongan ingkang sadajanipoen damelan pijambak, oetawi sampoen babar pisan kawangoen sanès boten kaloegokaken kados waoenipoen.
- c. Toewan toko. (winkeliers). Dados golongan ingkang loegoe kilak ladjeng dipoen-sadé mawi ngoepados babatèn, sarta barang kilakanipoen waoe anggènipoen njadé boten mawi kaéwahan oetawi kaitjangan sipatipoen sawakit.
- d. Golongan njadèkaken.

Katjarijos, saking ada-adanipoen sadèrèk Paraha Harahap, hoofddirecteur *Bintang Timoer*, ing Betawi wonten panitya badé ngedegaken pakempalan tengahan. Komité waoe béndjing tanggal 15 September poenika ngawontenaken panganggihan perloe ngedegaken Middenstandsvereeninging Indonesia.

Kaseboet ing serat pangadjak, komité waoe tjarijos makaten:

Toean-toean kaom dagang! Seperti soedah sama kita ketahoei, bangsa Europa disini soedah lama mempoenjai Handelsvereeninging goena perdagangan besar dan Middenstandsvereeninging goena perdagangan tengah (toko-toko winkel) dan orang Tiong Hoa mempoenjai Sianghwee.

Djadi sbetoeleja tinggal tjoe ma bangsa kita Indonesia jang beroesaha memboeka toko, dan pertoeangan atau lain-lain man-tjam peroesahan jang tidak mempoenjai perserikatan, jang bisa memadjoekan kita orang poenja perdagangan.

Sekarang sbagai diketahoei oleh Regeering soedah dibangoenkan soetoe commissie jang bernama Middenstandcommissie, speciaal menjelidiki perdagangan dan keradjanan kaom tengah dari pihak Boemipoetera.

Jang moelia toean Djajadiningrat, gedelegeerde lid Volksraad dioetoes oleh Pemerintah ke Geneve, tetapi disamping itoe diseroeh poela ke Zwitserland memeriksai keadaan Middenstands organisatie, soepaja bisa djadi tjontoh kengeri ini.

Dimana sekarang memang soedah ada Middenstand Boemipoetera, karena disini ada toko-toko orang Indonesia, Schoenwinkel jang besar, Ledikanten, Handel, Smederij, Rijwielhandel, Hotel dan Restaurant, Reparatie atelier, drukkerij dan Boekhandel, Kleermaker dan Transport Onder-neming, Wasscherij dan Handel in Bouw Materialen, Meubelhandel dan Lampenkap-penmakerij, Boekbinderij dan Winkel-winkel besar ketjil, maka soedah sepatoeitja kita sendiri mendirikan itoe organisatie, soepaja kemoedian ba kalaa ada perobahan-peroba-han atau pendapatan jang dibawa oleh toean Djajadiningrat dari Europa, bisalah kaom dagang bangsa kita memperhatikannya.

Tentoe tidak tidak bisa satoe-satoe orang mengoetjap hasil itoe, maka sebab itoe perloe ada organisasi kita sendiri. Sedang di Soerabaja dan Djokja soedah orang dirikan organisasi itoe. enz. enz. enz.

Pasamoean Soetji kalijan presidèn Mexico sami nanda-tangani serat reroekoenan wonten kadaton Chapultepec. Serat reroekoenan waoe asoerios: a. Para Imam kénging anindakaken wadjibipoen, sarta imam ingkang kabenoem ing Kang-djeng Biskop badé katjatet wonten boekoening nagari. b. Wonten salebeting Grédja kénging moelangan-ken Agami, nanging wonten sekola-han boten kénging. c. Ewadéné salaminipoen, para pangageng Pasamoean Soetji kawenangkaken neda éwahing pradjandjangan poenika.

Sanadjan éwah-éwahan poenika dèrèng nama maremaken saèstoe toemrap kita para Katoelik, éwadéné kita inggihi kedah soeka soekoer ing Pangéran. Ngèngeti ingkang kaseboet ing c kita anggadhahi pangad-jeng-adjeng saselot-selotipoen wewenang kita inggihi badé poelih malih kados soewaoe sadèrèngipoen wonten pangoeja-oeka.

Kaseboet wonten seratiopoen pabantoe De Tijd katiti-mangsant wonten New York 15 Juli, manoe pratélanipoen minister Buitenlandsch djéndral Aguilar, saplok Mexico wonten pangoeja-oeka datang tjang Katoelik, tanah Mexico kétéjalan djiwa sajoeta langkoeng kalih atoes éwoe.

Agama Katoelik wonten tanah Mexico pantjèn sampoen ngojod. Prakawis poenika saged katitik, kalanipoen tetijang Indjan ingkang sami brontak dipoenwartosi manawi nagari kalijan Pasamoean Soetji sampoen badé bedamèn, sanalika ladjeng sami selèh dedamel.

Moegi-moegi rahipoen djiwa samanten katiapipoen poenika sageda dados widji soeboer toewin koen-tjaraning Pasamoean Soetji poenapadéné nagari Mexico!

Tjina.

Katjarijos kala tanggal 15 Djoel-taksih éndjing sanget, kita Nanfeng bawah provincie Kiangsi, kada-

Dados ingkang badé dipoenwon-tenaken ing Betawi poenika kalebet pakempalan tengahan golongan dagang (langkoeng-langkoeng pérangan c.)

Golongan tengahan poenika pantjèn migoenani. Ngèlmoe sosialis amastani golongan tengahan makaten boten perloe! Kedah kasingkir-aken kémawon! Inggang makaten poenika klèntoe. Djer golongan tengahan poenika. Awit manawi golongan tengahan sirna, ing djagad ladjeng namoeng wonten golongan kalih: kaom berah kalijan golongan amberhaken (kapalist). Kaom tengahan ingkang kaitjalaken, temtoe ladjeng ngeboek wonten salebeting djagad kaom berah. Mangka, poenapa ing djagad kaom berah poenika boten sampoen desek-desekan, oejel-oejelan?

Sanadjan kaom kapitalist pisan, pantjèn inggihi kedah ambetahaken golongan dagang waoe. Awit, tanpa poenika barang padamelanipoen boten badé kanggé ndamel, déning boten wonten ingkang nglantaraken datang ingkang badé nganggé.

Saprika-saprika golongan dagang ing Indonesia pantjèn dèrèng tinar-boeka. Malah katah-katahipoen sami djor-djoran kalijan bangsanipoen pijambak. Inggang makaten poenika mesti kémawon miteonani. Mila adeging pakempalan-pakempalan tengahan golongan kaom dagang poenika saèstoe ngagengaken manah. Awit badé:

a. Saja katah sakolahan-sakolahan oetawi koersoes-koersoes bab kawroeh dagang. b. Saged kilak lan njadé langkoeng mirah. c. Manawi poeroen, saged sagjoeban ngitjali ama tetoembas sarana nitjil. d. Saja katah pakempalan-pakempalan bebaton (coöperatie.) lss.

Éwasamanten, para ingkang dados warganing pakempalan tengahan waoe kedah angèngeti bilih „ora pertjaja-pinartjaja” makaten, dados sandoenganing pakempalanipoen.

Wasana boten perloe koela atoe-aken sapinten goenanipoen manawi pakempalan-pakempalan tengahan ing poendi-poendi poenika sami manoenggil dados sapakempalan.

Kita Katoelik Djawi dèrèng gadah pakempalan makaten poenika. Awit, pantjèn samangké sakedik sanget ingkang anindakaken pakarian among dagang. Mila, manawi sapoenika wonten kaom dagang Katoelik Djawi, ingkang loemebet pakempalan dagang sanès Katoelik, poenika kados inggihi saé kémawon!

Pandan wangi 8 September.

Taklim: Patjar-Mérah.

CORRESPONDENTIE.

K. W. Soerakarta! Anglegani pamoendoe pandjenengan (zie corresp. Sw. T. no. 30.) kita ngewart asmanipoen prijantoen koekoeban K. W. Soerakarta ingkang anggènipoen maringi arta lengganan kalantaraken pangroekti-arti pandjenengan, kaseboet wonten seratiopoen ddo. 26 Agostoes, kados ing ngandap poenika:

abn. 75. H. S. Sastr. soewrn. . . f. 250; abn. 77. R. C. S. Br. Atmadja, f. 2; abn. 122. R. S. Martawihardja: f. 160; 291. R. Ch. Bratisswi: f. 1; 309; J. B. B. Djajaotm. f. 220; 347. R. F. Soedarmadi: f. 175; 652. T. J. S. Darmawrst. f. 225; 552. R. M. B. Ratimrtj. f. 150; 613. Nataboedya f. 2; 436. L. J. Poe-djaatmaka f. 125; 620. R. J. Kardjana f. 050; 654. I. Soenarta f. 2; 679. R. A. Soedati f. 160; 793. Djajasswi. f. 175; 709. Wig-njamarwt. f. 150; 784. Atmabdj. f. 1; 792. Moedjassnta f. 1; 527; Dirasoebtra f. 110; 607. Hadisoengd. f. 3; 673. R. I. W. Dwidja-ssn. f. 225; 99. S. Kartasswja f. 250; 160. Poedyadhrja f. 250; 747. M. Soedarma: f. 1;—; 16. Rm. S. Dirdjaprtma f. 4;—; 222. J. S. Adioetama f. 0625; 511. Rm. S. Djajadi-moerti f. 1;—.

Dados poenika namoeng pambajaran ingkang kaseboet wonten serat tanggal 26 Agostoes. Kawoeninganal

tengan doerdjana pinten-pinten. Doerdjana waoe ingkang katah-katah sami njakabat ngèlmoe kominis, mila inggihi sengit sanget kalijan Agama. Wiwit djam tiga daloe sampoen kapireng djoemegering sendjata. Pastoe Leonard inggihi dipoenwartosi kabar poenika. Nanging rèhné kabar makaten waoe sampoen kerep adamel ketjelik, mila boten patos dipoenpanggalih.

Djam 5 éndjing Pastoe Leonard sowan Grédja kadèrèkaken palados satoenggal. Sareng anggènipoen ngoendjoekaken koerban Mis saweg doemoegi „tjaosan anggoerlan toja”, Grédja ngrikoe kadatangan doerdjana-doerdjana waoe, Pastoe Leonard dipoentjèng, ladjeng semaja sakedap, moendoet ciborie, mendet Sarira Dalem badé kadahar. Sanalika poenika, Pastoe Leonard dipoen-antem astanipoen mawi popor sendjata, Sarira Dalem kotjar-katjir! Para ambeg sija ladjeng ngidak-idak Hosti Soetji. Agem-ageman Mis

SOEMANGGA SAMI
NGABARAKEN
ING
SWARA-TAMA

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED
ALCYON
DUNLOP } RIJWIELEN
R. I. W.

Nitjil kénging! - Kentjèng soekoer!

GAZELLE HUIS - ROEMAH GIDANG
MALIOBORO - DJOKJA - TELF. 508.

INGKANG NJEPENG LARÉ,
NGRENGGANI DJAMAN
TEMBÉ - WINGKING!

Prijantoen,
JEUGDORGANISATIE
sampoén kasangga
miring!!

BALAI POESTAKA

VOLKSAK
1930
f 0.64
L M A N A K

DJAWA - MELAJOE - SOENDA
SEKARANG SOEDAH SEDIA

M. v. BIENE.
Toekang herlodji
dan Toekang emas.
Adres jang
moerah
DJOKJA BANDOENG
Telf. 252 Telf. 226
boeat LONTJENG, HER-
LODJI dan PERKAKAS
EMAS.
Pembatja
SWARA TAMA,
dengan bawa lembaran
Swara Tama
dapat POTONGAN.

KALAU BELI OBAT - OBAT

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

DJOKJA

MALIOBORO

Obat-obat keloearan roemah² obat
soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

MALIOBORO

DJOKJA

„RATHKAMP”
tangoeng beli jang paling baik.
Djaga tjap „RATHKAMP”
dan „ERCEE”

DJOKJA

DJANGAN TERIMA BARANG JANG BARANGKALI KOERANG BAIK.

TOKO H. SPIEGEL MALIOBORO 17
DJOKJA.

MAGAZIJN VAN
LUXE- en HUISHOUDELIJKE
ARTIKELEN
KINDERWAGENS - SPORTKARREN
KINDERSPEELGOED

THEESERVIEZEN, 16 deelig f 5,75
GASOLINE - LAMPEN. f 12,50

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.30 - 8.30.	Lamah 5.30 - 6 - 8.	Pekalongan 7.30.	Soerabaja:
Amboina 7.30.	Lawang 7.	Pemalang 7.30.	Kepandjèn 6 - 7 - 9.
Bagan Siapi-api 7.30.	Madioen 6 - 7.30.	Pemangkat 8.30.	Anita Boul. 6 - 7.30 - 9.
Bandoeng 6 - 7.30 - 9.	Magelang 7 - 9.	Poerwokerto 7.30.	Soerakarta 6 - 7 - 8.30.
Benkoelen 7.30 - 9.	Makassar 6 - 7.30.	Poerwodjeto 7 - 8.30.	Tandjoeng Balai 7.30.
Blitar 7.30.	Malang 6 - 7.15 - 8.30.	Pontianak 7 - 8.30.	Tandjoeng Karang 8.
Buitenzorg 6 - 8.	Manado 6 - 7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30 - 8 - 8.30 (tjina).	Salatiga 7.30.	Tara-Tara 7.30.
Djember 7.30.	Medari 7.30.	Sambas 6 - 8.30.	Tegal 7.30 - 9.30.
Djokja:	Meester Corn. 7 - 9.	Sambong 8.	Tering 7.
Kampementstraat Eur. 7 - 9.	Mendoet 6 - 7.30.	Sawah Loento 7 - 8.30.	Tjilatjap 7.30.
Kota Baroe 6 - 7.30.	Modjokerto 6 - 8.	Sedajoe 7.	Tjimahi 6 - 8.
Djombang 7.30.	Moentilan 5 - 6 - 8.	Sedjiram 5.45 - 8.30.	Tomohon 7 - 8 - 9.
Fort de Kock 7.30.	Muntok 8.	Semarang 7.	Wates 7.
Gandjoeran 7.	Ngawi 7.30.	Gedangan 7 - 9.	Weltevreden:
Gombong 7.30.	Padang 7 - 8.15 - 9 (tjina).	Bangkong 6.30 - 8.	Waterlooplein 5.45 - 7 - 9.
Keboemèn 7.30.	Padang Pandjang 7.30.	Tjandi 7.	Kramat 6 - 8 - 9 (mal.).
Kediri 7.30.	Pajakoeombo 7.30.	Randoesari 6.30 - 9.	Wonosobo 7.30.
Klatèn 7.30.	Palembang 7 - 9.	Singkawang 6 - 7.30.	Woloan 8.30.
Koeta Radja 6.30 - 8.	Paseroean 7.30.		

1) 1e. Achad. 3) 2e. Achad. 5) 1e., 2e., 4e. Achad. 7) 3e. Achad.
2) 1e. + 3e. Achad. 4) 1e. Achad tiap² doea boelan. 6) 2e., 4e. Achad. 8) 4e. Achad.

dipoen-glandang wantoen kémawon,
wasana Imam kalijan paladosipoen
kabanda kabekta dateng pastoeran.
Doemoegi ngrikoe, doerdjana-doer-
djana neda soepados dipoentedah-
ken papaning arta Missie ing pas-
toeran ngikoe. Pastroer Leonard sa-
gah nedahaken waton paladosipoen
dipoenloewari. Sareng paladosipoen
sampoén kaloewaran, Pastroer Leonard
masrahaken sadaja kagoengan-
ipoen arta: 100 straitsdollar lang-
koeng sakedik. Sadaja isinipoen
pastoeran ingkang wonten panga-
osipoen kadjarah-rajah. Saking ngri-
koe bandiet-bandiet waoe wangsoel
mlebet Grédja malih, angengakaken
Tabernakel tiga; ngrisak wadiah-
wadiah lilin, ambektani pangageman
poenapadéné barang-barang soetji.
Djam pitoe éndjing pastoerwaoe
dipoenirid kalijan tijang tawanan
pinten-pinten dateng tjandi sadja-
wining kita. Doemoegi ngrikoe pas-
toer Leonard teroes djèngkèng sem-
bahjang boten predoeli dipoenpo-
pojok, oetawi dipoenisin-isin. Pra-
kawis poenika moeroegaken goe-
moledoeging manahipoen tetijang
ingkang ngreksa pijambakipoen.
Sami sanalika tangsoel ingkang
kanggé ambanda dipoensendal ngan-
tos pastoer Leonard dawah kadje-
roengoepp, pasorjanipoen babak.

Nanfeng poenika doenoengipoen
radi tebih saking papan poesering
para missionaris Kienchangfoe. Sa-
weg tanggalipoen 16 sijang pastoer-
pastoer ing ngrikoe sami mireng
bilih pastoer Leonard dados tawan-
nan. Pastroer Dermody ichtijar sa-
saged-sagedipoen sageda ngloewari
pastoer Leonard, nanging tanpa
goena.

Tanggal 17, pastoer-pastoer sami
mireng bilih pastoer Leonard sam-
poen séda. Tijang ingkang soeme-
rep sami aneksèni bilih sédanipoen

margi pinardjaja mawi pedang.
Tanggal 18 Djoeli lajonipoen pas-
toer Leonard saged pinanggih, ke-
bak tatoe, kadjoewing-kadjoewing!
Tanggal 20 Djoeli lajon kasarèka-
ken wonten Sangsang tjaket kita
Nanfeng, kempal kalijan pasarè-
janipoen pastoer-pastoer sawatawis.
(Sangsang poenika papan ngrikoe
ingkang sapisanan wonten grom-
bolan Katolik).

Pastroer Leonard mijosipoen won-
ten Limmerick kala taon 1894, da-
dos imam saweg sadasa taon. Ra-
woehipoen wonten nagari Tjina ka-
la taon 1920 sareng kalijan Kang-
djeng Biskop Calvin. Anggènipoen
njamboet damel wonten Nanfeng sa-
weg sataoen. Pandjenenganipoen
misoewoer margi sakalangoeng
moersid, toememen!

PAHARGJAN WIJOSAN DA-
LEM SRI MAHA RADJA POE-
TRI WILHELMINA.

Ing Keboemèn.

Berichtgever martosaken:

Kala ngadjengaken dinten wijosan
dalem Sri B.M. Radja Poetri Ned.
katah pamoelangan ingkang rineng-
ga-rengga. Nanging rehning ing we-
nehing panggenan malemipoen badé
kraméjan djawah ragi deres, dados
rerenggan kretas wonten ingkang
pating sloewir, nanging boten njoe-
da saénipoen.

Éndjingipoen moerid 4 sekolahan,
(ingkang 1 groep moerid sek. Goepr.)
kempal ing panggenaning Glondong-
ipoen.

Wonten rikoe djèdjèr-djèdjèr toe-
roet pinggir ngoebengi plataran.
(awit jèn wonten salebeting pandapa
mesti sesak). sami njepengi rontèk
(bendéra Wlandi alit-alit), mireng-
aken voordracht-ing Glondongipoen,
jèn wiwit sekolah doesoén saged
mantjad dateng ingkang inggil, sok

oegi mantep teroes.

Wosing voordracht tjekak, soe-
pados sami anggatosna dateng pi-
woelang lan kaeotamèn.

Toemoenten kasambet voordracht-
ipoen salah satoenggiling Goeroe-
bantoe sek. Goepr. ingrikoe, babagan
economie, sageda tjèkèr-tjèkèr pijam-
bak, sampoén kok ladjeng teroes
nggandoel kémawon.

Ladjeng voordracht-ipoen Mantri
Goeroe bab opvoeding lan ingkang
wadjab saèstoe nggoela-wentah laré,
minteraken wiwit alit doemoegining
diwasa. Katerangaken, jèn, laré poe-
nika apes Goeroenipoen: 4. 1e. Bi-
joeng. 2e. Bapa. 3e. Kantja dolan. 4e.
Goeroe sekolahan.

Panganggé lan tengering laré-laré
manéka-warni, nadyan tjilimèn na-
nging mbregas semoewa.

Kirang-langkoeng djam 9½ énd-
jing pangkat arak-arakan. Sinawang
saking tetebihan rantap-rantap ngre-
sepaken. Wonten ngalèr, ngilèn, ngé-
tan, ngidoel. Nolèh ngiwa-nengen,
ing radinan ageng-alit ketingal moe-
rid arak-arakan. (Lah kénging ka-
basakaken sakaboepatèn).

Samargi-margi sami soerak-soerak
ginentosan lan nembang.

Doemoegi doesoén Kambangari
kempal lan moerid sekolahan doe-
soen rikoe. Teroes mlampah ngam-
bah margi jasan énggal, dados lam-
pahipoen moebeng.

Bakda arak-arakan sami sinoegata
wonten ing panggenanipoen pijam-
bak-pijambak, sapantesipoen.

Prakawis wragad, moerid sek.
Goepr. saking Goeroe lan moerid.
Nadyan nama gamelan topèng saana-
anané, nanging boten ngoetjiwani
soemboet lan kesel saha angsalipoen.

Moerid satoenggaling lan satoeng-
galipoen sekolahan katingal sami roe-
koen goejob, boten wonten raos
mbédak-mbédakaken.

GABROE - WLINGI
31 AUGUSTUS '29.

Inggang mangka beboekaning
atoer, ing pamoelangan Gabroe ing
dinten poenika riaja ageng sanget
kanggènipoen laré ing perceel; wan-
tji éndjing ± 7 laré sampoén sami
ngempal wonten ing pamoelangan,
sami asoeka-soeka ningali asrining
pamoelangan, ingkang pinadjang-
padjang tepoeng gelang, woedjoed
djanoer djené ingkang pating pleng-
koeng, sekàr-sekaran, ron-ronan
ingkang mantja-warni, kiwa tengen-
ing plengkoeng pinasangan gen-
déra Walandi, pating klèbèt anana-
rik manah. Swaraning laré pating
brengok pating tjroewèt, sami ngen-
tosi gangsa kapalan (djatilan), ing-
kang kanggé regenging arak-arakan
oeroet margi ageng mangidoel an-
djoedjoeg kamantrèn (Mantri politie)
ing Ngadirengga Wlingi, wonten ing
Kemantrèn para moerid sami asoeng
kasoegangan, wosipoen 1e. Atoer
soegeng dateng wewakiling pama-
réntah 2e. Atoer soegeng Dalem
Sri Maharadja 31 Augustus 1929
3e. Njenengaken laré 4e. Nenarik
laré ingkang dèrèng sekolah poe-
roena sekolah, saha wonten ing
Kemantrèn laré-laré sami ngatingal-
aken senengipoen woedjoed sekar
lan tembangan. Laré éstri temban-
gan pramoerid; laré djaler alit-alit tem-
bangan witing klapa; laré ageng
sekar kinanti Soeba - kastawa lan
kinanti tridjata.

1. Pra moerid.

1.

Kawoela sadaja moerid Gabroe.
Asowan ing ngarsaning bendara.
Wewakil dalem Sri Maha Radja.
Kang adedalem ing Sendoeng mriki.

II.

Ngatoerken sagoenging pakoermatan.
Doemateng bendara kakoeng poetri.

Kang ngasta roewet-rentenging pra-
dja.

Lèr Wlingi praptèng Woekirnagara.

III.

Jwa ana sawidji-sawidji sambékala.
Gi-moegi djinangkoenga kang moer-
ba.

Sadaja ingkang dados karsanta.
Sageda tentrem ing salaminja.

2. Witing klapa.

I.

Hajo kantja, dina iki, soeka-soeka,
soeka-soeka, pari soeka, awit iki,
wijosané Sri Maha Radja, Radja kita,
ing Walanda.

II.

Radja agoeng, Radja agoeng, Bi-
natara, Radja poetri, moega-moega
lestantoena, ambek adil para-marta,
adamel soekaning bangsa.

III.

Moega-moega, pinandjangna, ing-
kang joeswa, tinoeloesna, ngerèh
pradja, pradja kita, tinebihna sam-
bé-kala, tinoelada bangsa lija.

3. Kinanti Soeba Kastawa.

I.

Kanti astjarajèng kajoen,
Kajoengjoen atoer basoeke,
Sowan kawoela sakantja,
Para dwidja miwah moerid,
Atoer poedja pangastawa,
Sarèhning hari poeniki.

II.

Wijos Dalem Kangdjeng Ratoe,
Wilhelminah nata poetri,
Moegi manggiha rahardja,
Antoea berkahing Widdi,
Dadya Radja kang oetama,
Ambek santa marta boedi.

4. Kinanti Tridjata.

I.

Amba pra siswa sadaroem, amoe-
dja poedji semadi, mrih lestarinja
padoeka, Sri Bagènda nata Dèwi,
misèsa pradja Néderland, jwana
roebèda ing woeri.

Badé kasambet.